

禮記

列傳第四十

魏書五十二

趙逸

胡方回

胡叟

宋繇

張湛

宗欽

段承根

闕駟

劉昞

趙柔

索敞

陰仲達

趙逸字思羣天水人也十世祖融漢光祿大夫父昌右勒黃門郎逸好學夙成仕姚興曆中書

侍郎爲興將齊難軍司征赫連屈丐難敗爲屈  
丐所虜拜著作郎世祖平統萬見逸所著曰此  
豈無道安得爲此言乎作者誰也其速推之司  
徒崔浩進曰彼之謬述亦猶子雲之美新皇王  
之道固宜容之世祖乃止拜中書侍郎神麈三  
年三月上巳帝幸白虎殿命百寮賦詩逸製詩  
序時稱爲善久之拜寧朔將軍赤城鎮將綏和  
荒服十有餘年百姓安之頻表乞免久乃見許  
性好墳素白首彌勤年踰七十手不釋卷凡所  
著述詩賦銘頌五十餘篇

逸兄溫字思恭博學有高名姚泓天水太守劉  
裕滅泓遂沒於氏氏王楊盛盛子難當旣有  
漢中以溫爲輔國將軍秦梁二州刺史及難  
當稱蕃世祖以溫爲難當府司馬卒于仇池  
長子廣夏中書博士

第三子琰語在孝感傳初姚萇以逸伯父遷爲  
尚書左僕射卒于長安劉裕滅姚泓徙遷子  
孫於建業遷玄孫翼翼從子超宗令勝遐叔

隆穆等太和景明中相尋歸降

翼粗涉書傳通率有器藝初為平昌太守甚有治稱入歷軍校加鎮遠將軍長史深為領軍元叉所知待遷光祿大夫夫卒贈左將軍齊州刺史

超宗身長八尺頗有將略太和末為豫州平南府長史帶汝南太守加建威將軍賜爵尋陽伯入為驍騎將軍超宗在汝南多所受納貨賂太傅北海王詳詳言之於世宗除持節征

虜將軍岐州刺史徙河東太守卒官超宗在河東更自修厲清靖愛民百姓追思之贈本將軍華州刺史諡曰成伯

子懿襲爵歷員外常侍尚書郎

超宗弟令勝亦長八尺踈狂有旅肉力歷河北恒農二郡太守並坐貪暴為御史所彈遇赦免神龜末自後將軍太中大夫出為恒農太守卒官令勝寵惑妾潘離棄其妻羊氏夫妻相訟遂發陰私醜穢之事彰於

朝野

遐初為軍主從高祖征南陽景明初為梁城戍  
主被蕭衍將攻圍以固守及戰功封牟平縣開  
國子食邑二百戶後以左軍將軍假征虜將軍  
督巴東諸軍事鎮南鄭時蕭衍冠軍將軍軍  
主姜脩眾二万屯羊口韓國將軍姜白龍據南城  
龍驤將軍泉建率土民北入桑圻姜脩又分軍  
據輿勢龍驤將軍譚惠文據夾石司州刺史王  
僧炳頓南安並扇動且徠規翻南鄭遐率甲士

九千所在衝擊數百里中莫不摧靡前後斬首  
五千餘級還以輔國將軍出為滎陽太守時蕭  
衍將馬仙琕率眾攻圍朐城戍主傅文驥嬰城  
固守以遐持節假平東將軍為別將與劉思祖  
等救之次於鮑丘朐城五十里夏雨頻降厲  
涉長驅將至朐城仙琕見遐營壘未就徑來逆  
戰思祖率彭沛之眾望陳奔退遐孤軍奮擊獨  
破仙琕斬其直閣將軍軍主李魯曾生直後軍主  
葛景羽等仙琕先分軍於朐城之西阻水列柵

以圍固城遐身自潛行觀水深淺結草爲筏銜  
救夜進破其六柵遂解固城之圍進救胸城都  
督盧昶率大軍繼之未幾而文驥力竭以城降  
賊衆軍大崩昶棄其節傳輕騎而走惟遐獨握  
節而還時仲冬寒盛兵士凍死者胸山至於鄴  
城二百里間僵尸相屬昶儀衛失盡於鄴城借  
假節以爲軍威遐坐失利免官延昌中起爲光  
祿大夫使持節假前將軍爲別將防捍西荆又  
爲別將隸蕭寶夤征淮堰熙平初出爲平西  
將軍汾州刺史在州貪濁聞於遠近卒贈安南  
將軍豫州刺史謚曰襄

子子獻襲爵

子獻第四弟子素司空長流參軍

叔隆步兵校尉永平初同懸瓠城民白早生之  
逆鎮南邢巒平豫州獲而宥之後以貨自通得  
爲秦州關西府長史加鎮遠將軍秦州殷富去  
京懸遠叔隆與敕使元脩義同心聚斂納貨巨  
万拜冠軍將軍中散大夫尋遷左軍將軍太中

大夫賂司空劉騰出爲中山內史在郡無德政  
專以貨賄爲事叔隆姦詐無行忘背恩義懸瓠  
之免是其族人前軍將軍趙文相之力後無報  
德之意更與文相斷絕文相長者不以爲恨及  
文相爲汝南內史猶經紀其家後文相卒叔隆  
了不恤其子弟時論賤薄之

穆善書記有刀筆之用爲汾州平西府司馬翼  
臨亡以穆託領軍元叉以穆爲汝南內史

胡方回安定臨涇人父義周姚泓黃門侍郎  
方回赫連屈丐中書侍郎涉獵史籍辭彩可觀  
爲屈丐統萬城銘蛇祠碑諸文頗行於世世祖  
破赫連昌方回入國雅有才尚未爲時所知也  
後爲北鎮司馬爲鎮脩表有所稱慶世祖覽之  
嗟美問誰所作旣知方回召爲中書博士賜爵  
臨涇子遷侍郎與太子少傅游雅等改定律制  
司徒崔浩及當時朝賢並愛重之清貧守道以  
壽終

子始昌亦長者有父風歷位至南部主書

子醜孫中書學生祕書郎中散世不治產業家甚貧約兄弟並早亡

胡叟字倫許安定臨涇人也世有冠冕為西夏著姓叟少聰敏年十三辨疑釋理知名鄉國其意之所悟與成人交論甚有屈焉與子不師受友人勸之叟曰先聖之言精義入神者其唯易乎猶謂可思而過半末世腐儒粗別剛柔之位寧有探賾未兆者哉就道之義非在今矣及披讀群籍再閱於目皆誦於口好屬文既善為典雅

之詞又工為鄙俗之句以姚政將衰遂入長安觀風化隱匿名行懼人見知時京兆韋祖思少閱典墳多蔑時輩知叟至召而見之祖思習常待叟不足叟聊與叙溫涼拂衣而出祖思固留之曰當與君論天人之際何遽而反乎叟對曰論天人者其亡久矣與君相知何夸言若是也遂不坐而去至主人家賦韋杜二族一宿而成時年十有八矣其述前載無違舊美叙由世有協時事而未及鄙黷人皆竒其才畏其筆世猶

傳誦之以爲笑狎叟孤飄坎壈未有仕路遂入  
漢中劉義隆梁秦二州刺史馮翊吉翰以叟才  
士頗相禮接授叟末佐不稱其懷未幾翰遷益  
州叟隨入蜀多爲豪雋所尚時蜀沙門法成鳩  
率僧旅幾千入壽丈六金像劉義隆惡其聚  
衆將加大辟叟聞之即赴丹陽啓申其美遂得  
免焉復還於蜀法成感之遺其珍物價直千餘  
匹叟謂法成曰緯蕭庸何人能棄明珠吾爲德請  
財何爲也一無所受在益土五六載北至楊難

當乃西入沮渠牧犍遇之不重叟亦本無附之  
之誠乃爲詩示所知廣半程伯達其略曰羣大  
吠新客佞闇排踈賓真迹旣以塞曲路非所遵  
望衛惋祝鮓眄楚悼靈均何用宣憂懷託翰寄  
輔仁伯達見詩謂叟曰涪州雖地居戎域然自  
張氏以來號有華風今而憲章無虧曷祝鮓之  
有也叟曰古人有言君子聞鞀鼓之聲則思戰  
爭之士貴主奉正朔而無淳慕仁義而未允地  
陋僻而僭徽號居小事大寧若茲乎徐偃之轍

故不旋踵矣吾之擇木以在大魏與子暫違非  
久闊也歲餘牧犍破降叟既先歸國朝廷以其  
識機拜虎威將軍賜爵始復男家於密雲蓬室  
草筵惟以酒自適謂方人金城宗舒曰我此生  
活似勝焦先志意所栖謝其高矣後叟被徵至  
謝恩并獻詩一篇高宗時召叟及舒並使作檄  
劉駿蠕蠕文舒文劣於叟舒尋歸家叟不治產  
業常苦飢貧然不以爲耻養子字螟蛉以自給  
每至貴勝之門恒乘一犢牛弊草袴褶而已  
作布壘菘谷三四斗飲噉醉飽便盛餘肉餅以付  
螟蛉見車馬榮華者視之蔑如也尚書李敷嘗  
遺之以財都無所取初叟一見高允曰吳鄭之  
交以紆縞爲美談吾之於子以弦琴爲幽贄以  
此言之彼可無愧也於允館見中書侍郎趙郡  
李璨璨被服華靡叟貧老衣褐璨頗忽之叟謂  
之曰老子今若相許脫體上袴褶衣帽君欲作  
何計也譏其惟假盛服璨惕然失色叟少孤每  
言及父母則淚下若孺子之號春秋魯祭之前

則先求旨酒美膳將其所知廣憲無常順陽馮翊  
田文宗上谷侯法雋攜壺執榼至郭外空靜處  
設坐奠拜盡孝思之敬時敦煌汜潛家善釀酒  
每節送一壺與叟著作佐郎博陵許赤虎江東  
裴定宗等謂潛曰冉三之惠以為過厚子惠於  
叟何其恒也潛曰我恒給祭者以其恒於孝思  
也論者以潛為君子矣恒陽等數之稟叟獎示  
頗涉文流高閭曾造其家不值叟短榻曳柴從田  
歸舍為閭設濁酒蔬食比日自辦佳其館宇卑

陋園疇褊局而飯菜精潔醢醬調羹見其二妾  
並年衰跛眇衣布穿弊閭見其貧約以物直十  
餘匹贈之亦無辭愧閭作宣命賦叟為之序密  
雲左右皆祗仰其德歲時奉以麻布穀麥叟隨  
分散之家無餘財年八十而卒叟元妻敦煌宋  
氏先亡無子後庶養者亦皆早夭竟以絕後叟  
死無有家人營主凶事胡始昌迎而殯之于家  
葬於墓次即令一弟繼之龍襲其爵始復男虎威  
將軍叟與始昌雖為宗室而性氣殊詭不相好

附於其存也往來乃簡及亡而收恤至厚議者以爲非必敦哀踈宗或緣求利品秩也

宋繇字體業敦煌人也曾祖配祖悌世仕張軌子孫父寮張玄靚龍驤將軍武興太守繇生而寮爲張邕所誅五歲喪母事伯母張氏以孝聞八歲而張氏卒居喪過禮繇少而有志尚喟然謂妹夫張彥曰門戶傾覆負荷在繇不銜膽自厲何以繼承先業遂隨彥至酒泉追師就學閉定誦書晝夜不倦博通經史諸子羣言靡不覽

繇呂光時舉秀才除郎中後奔段業業拜繇中散常侍繇以業無經濟遠略西奔李昌胤在通顯家無餘財雅好儒學雖在兵難之間講誦不廢每聞儒士在門常倒屣出迎停寢政事引談經籍尤明斷決時事亦無滯也沮渠蒙遜平酒泉於繇室得書數千卷鹽米數十斛而已蒙遜歎曰孤不喜尅李歆欣得宋繇耳拜尚書吏部郎中委以銓衡之任蒙遜之將死也以子牧犍委託之牧犍以繇爲左丞送其妹興平公主於

京師世祖拜繇為河西王右丞相賜爵清水公  
加安遠將軍世祖并涼州從牧犍至京師卒諡  
曰恭

長子巖襲爵改為西平侯

巖子蔭中書議郎樂安王劭從事中郎卒贈輔  
國將軍咸陽太守

子超尚書度支部

超弟稚字季預師事安邑李紹伯受諸經傳性  
清嚴治家如官府太和中拜司徒屬又以例降

除西中府戶曹參軍轉并州城陽王纘城局參  
軍景明二年拜白水縣令在縣十年頗得民  
和遷青州敦海太守正光三年卒

子遊道武定末太尉長史

張湛字子然一字仲玄敦煌人魏執金吾恭九  
世孫也湛弱冠知名涼土好學能屬文冲素有  
大志仕汧渠蒙遜黃門侍郎兵部尚書涼州平  
入國年五十餘矣賜爵南浦男加寧遠將軍司  
徒崔浩識而禮之浩注易叙曰國家西平河右

敦煌張湛金城宗欽武威段承根三人皆儒者  
並有雋才見稱於西州每與余論易余以左氏  
傳卦解之遂相勸為注故因退朝之餘暇而為  
之解焉其見稱如此湛至京師家貧不粒操尚  
無虧浩常給其衣食每歲贈浩詩頌浩常報答  
及浩被誅湛懼悉燒之

兄懷義閑粹有才幹遭母憂哀毀過人服制雖  
除而蔬糲弗改卒于征西參軍

長子廣平高平令

宗欽字景若金城人也父癭字文友呂光太常  
卿欽少而好學有儒者之風博綜羣言聲著河  
右仕沮渠蒙遜為中書郎世子洗馬欽上東宮  
侍臣箴曰恢恢之古悠悠生民五才迭用經叙  
彝倫臣父維子弼君伊臣顛而能扶屈而能申昔  
在上聖妙鑒厥趣不曰我明而乖其度不曰我  
新而忽其故如彼在泉臨深是懼如彼覆車望  
途改步是以令問宣流英風遠布及於三季道  
喪純遷桀起瓊臺紂醜糟山周滅妖妣昇喪以

田險詖蔽其耳目鄭衛陳於其前怙才肆虐異  
端是纏豈伊害身厥省殲焉茫茫禹跡畫為九  
區昆蟲鳥獸各有巢居雲歌唐后垂橫美虞踈  
網改祝躬道攸敷龍盤應德隨地銜珠勿謂無  
心識命不殊勿謂理絕千載同符爰在子桓靈  
數攸臻儀形徐阮左右劉陳披文採友叩典問  
津用能重離龍襲曜魏鼎維新於昭儲后運應玄  
籙夕惕乾乾虛於遠屬外撫幽壘元內懷煒獨猶  
懼思不逮遠明不遐燭君有誨臣庭立謗木木

枝克昌永符天祿微臣作箴敢告在後世祖平  
涼州入國賜爵卽樹勇加鷹揚將軍拜著作郎  
欽與高允書曰昔皇綱未振華裔殊風先服分  
囑金蘭莫遂希懷寄契延想積及天遂其願美  
邁京師才非季札而眷深孫喬德乖程子而義  
均傾蓋曠齡罕遇會之一朝比公私理異翻詔  
路塞端拱蓬宇歎慨如何不量鄙拙言詩數韻  
若夫泉江相忘之談遺言存意之美雖壯生之  
所尚非淺識所宜循愛敬既深情期往之思逢

德意以祛鄙吝若能紆鳳彩以耀榛蒼迴連城  
以映瓦礫者是所望也詩曰菟我恒嶺混漭滄  
溟山挺其和水燿其精啓茲令族應期誕生奉  
冠衆彥偉邁羣英其於穆吾子含貞藉茂如彼  
松竹陵霜擢秀味老思冲託易體復戢翼九皇  
聲溢宇宙其二我皇龍興重離疊映剛德外彰柔  
明內鑄乾象奄氣坤厚山競風無殊音俗無異  
徑其三經緯曰文著述曰史斟酌九流錯綜幽旨  
帝用訓詁明發虛疑廣闢四門披延髦士其四爾

應其求翰飛東觀口吐瓊音手揮霄翰彈毫珠  
零落紙錦采墳無疑割典無滯洋其五山降則謙  
含柔為信林崇日漸明外其進有邈夫子兼茲  
四慎弱而難勝通而不峻其六南董邈矣史功不  
申固傾佞竇雄穢美新遷以陵腐邕由卓泯時  
無逸勒路盈摧輪其七尹佚謨周孔明述魯抑揚  
羣致憲章三五昂昂高生纂我遐武勿謂古今  
建規易矩其八自昔累居沉淪西藩風馬既殊標  
榜莫緣開通有運闇遇當年披衿誓面定六父

言其諮疑秘省訪滯京都水鏡叔度洗吝田蘇  
望儀神婉即象心虛悟三禮樂採研詩書其履  
霜悼遷撫節感變嗟我年邁迂踰激電進之由  
賜退非回憲素髮掩玄枯顏落禕其文以會友  
友由知己詩以明三言以通理眇坎迷流覲良  
闇止伊介虬光四鱗曲水其允荅書曰頃因行  
李承足下高問延佇之勞爲日久矣王途一啓  
得叙其懷欣於相遇情無有已足下兼愛爲心  
每能存顧養之以風味惠之以德音執翫反覆

銘於心抱吾少之尋常之操長無老成之致憑  
賴賢勝以自克勉而來喻褒飾有過其分既承  
雅贈即應有荅但唱高則難和理深則難訓所  
以留連日月以至於今今往詩一篇誠不足標  
明來旨且表以心幸恕其鄙滯領其至意詩曰  
湯湯流漢藹藹南都載稱多士載擢靈珠邈矣  
高族世記丹圖啓基郢城振彩涼區其吾生即  
到誕發英風紹熙前緒弈世克隆方圓備體淑  
德斯勳望傾羣雋響駭華戎其響駭伊何金聲

允著匡贊西藩拯厥時務肅志琴書恬心初素  
潛思淵渟秀藻雲布其上天降命祚鍾有代協  
燿紫宸與乾作配仁邁春陽功隆覆載招延  
叟永貽大賚其四伊余櫟散才至庸微遭緣其  
忝與樞機竊名華省厠足丹墀愧無螢燭其  
天暉其五明外非諭信漸難兼體卑處下豈曰  
謙進不弘道退失淵潛既慙朱闕亦愧閭閻  
史班稱達楊蔡致深其荷典策載蹈於心其  
同軌覆車相尋敬承嘉誨永佩明箴其遠思其

賢內尋諸已仰謝立明長其揖高史遐武雖存其  
蹤難擬夙興夕惕豈獲恬其止其世之圯矣靈運其  
未通風馬殊隔區域異封其月懷西望路險莫從其  
王澤遠灑九服來同其九在音平吳二陸稱寶其今  
也剋涼五星生獨矯道映儒林義為羣表我思與  
之均於紵縞其十仁乏田蘇量非叔度韓生屬降  
林宗仍顧千載曠遊其邁茲一遇藻詠風流鄙心  
已悟其十一年時迅邁物我俱逝任之斯通擁之則  
滯結其四馬貽塵屢空亦弊兩間可守安有回賜其

詩以言志志以表丹慨哉刎頸義已中殘雖曰  
不敏請事金蘭爾其勵之無忘歲寒崔浩之誅  
也欽亦賜死欽在河西撰蒙遜記十卷無足可  
稱

弟舒字景太蒙遜庫部郎中與兄同歸國賜爵  
句町男加威遠將軍名亞於兄子孫皆表替

段承根武威姑臧人自云漢太尉頰九世孫也  
父暉字長祚身長八尺餘師事歐陽湯湯其器  
愛之有一童子與暉同志後二年童子辭歸從

暉請馬暉戲作木馬與之童子甚悅謝暉曰吾

大山府君子奉敕游學今將欲歸煩子厚贈無  
以報德子後位至常伯封侯非報也且以為好

言然棄木馬騰空而去暉乃自知必將貴也乞

伏熾磐石以暉為輔國大將軍涼州刺史御史大

夫西海侯磐石暮末襲位國政表亂暉父子奔

吐谷渾暮瓊暮瓊內附暉與承根歸國世祖素

聞其名頗重之以為上客後暉從世祖至長安

有人告暉欲南奔世祖問曰何以知之告者曰

暉置金於馬韉中不欲逃走何由爾也世祖密  
遣視之果如告者之言斬之於市曝尸數日時  
有儒生京兆林白奴欽暉德音夜竊其尸置之  
枯井女為敦煌張氏婦久而聞之乃向長安收  
葬承根好學機辯有文思而性行疎薄有始無  
終司徒崔浩見而竒之以為才堪注述言之世  
祖請為著作郎引與同事世咸重其文而薄其  
行甚為敦煌公李寶所敬待承根贈寶詩曰世  
道衰陵淳風殆頹衢文問日並路盈訪彊徇競爭

馳天機莫踐不有真宰榛棘誰掬其於皇我后

重明襲煥文以息煩武以靜亂割蠶求珍搜巖

采幹野無投綸朝盈逸翰其白昔涼季林焚淵

涸矯矯公子鱗羽靡託靈慧雖奮羽氣夫廓鳳

戢屨丘龍潛之漠其數不常摛以艱極則夷奮翼

幽裔商翰飛京師珥蟬步闈杖節方畿弼我王度

庶績緝熙其自余幽淪眷參舊契庶庇餘光優

游卒歲忻路未淹離轡已際顧難分歧載張載

繼其聞諸交舊累聖疊曜淳源雖瀉民懷餘劬

思樂哲人靜以鎮躁藹彼繁音知此清調  
下曰文辨訐曰明化由禮洽政以寬成勉崇仁  
教播德簡刑傾首景風遲聞休聲其浩誅承根  
與宗欽等俱死承根外孫長水校尉南陽張令  
言美鬚鬚言談舉止有異武人李琰之李神雋  
一時名士並稱美之

鬪駟字立陰敦煌人也祖儵有名於西土父玟  
為一時秀乃立官至舍日稽令駟博通經傳聰敏過  
人三史羣言經目則誦時人謂之宿讀也三郎

易傳學者藉以通經撰十三州志行於世蒙遜  
甚重之常侍左右訪以政治損益拜祕書考課  
郎中給文吏三十人典校經籍刊定諸子三千  
餘卷加奉車都尉牧犍待之彌重拜大行遷尚  
書姑臧平樂平王丕鎮涼州引為從事中郎王  
薨之後還京師家甚貧弊不免飢寒性能多食  
一飯至三升乃飽卒無後

劉昞字延明敦煌人也父寶字子玉以儒學稱  
昞年十四就博士郭瑀學時瑀弟子五百餘人

通經業者八十餘人瑀有女始笄妙選良偶有心於昞遂別設一席於坐前謂諸弟子曰吾有一女年向成長欲覓一快女婿誰坐此席者吾當婚焉昞遂奮衣來坐神志肅然曰向聞先生欲求快女婿昞其人也瑀遂以女妻之昞後隱居酒泉不應州郡之命弟子受業者五百餘人李暘私署徵爲儒林祭酒從事中郎暘好尚文典書史穿落者親自補治昞時侍側前請代暘暘曰躬自執者欲人重此典籍吾與卿相值何

吳孔明之會玄德遷撫袁詭軍雖有政務手不釋卷暘曰卿注記篇籍以燭繼晷晝白日且然夜可休息昞曰朝聞道夕死可矣不知老之將至孔聖稱焉昞何人斯敢不如此昞以三史文繁著略記百二十篇八十四卷涼書十卷敦煌實錄二十卷方言三卷靖恭堂銘一卷注周易韓子人物志黃石公三略並行於世蒙遜立酒泉拜秘書郎專管注記築陸沈觀於西苑躬往禮焉號玄處先生學徒數百月致羊酒牧犍尊爲

國師親自致拜命官屬以下皆北面受業焉時  
同郡索敞陰興為助教並以文學見舉每布衣  
而入世祖平涼州士民東遷夙聞其名拜樂平  
王從事中郎世祖詔諸年七十以上聽留本鄉  
一子扶養晒時老矣在姑臧歲餘思鄉而返至  
涼州西四百里悲本或作悲亦作匪谷窟遇疾而卒晒六子  
長子僧衍早亡

次仲禮留鄉里

次字仲次貳歸少歸仁並遷代京後分屬諸州

為城民歸仁有二子

長買奴

次顯宗太和十四年尚書李冲奏晒河右碩儒  
今子孫沈屈未有祿潤賢者子孫宜蒙顯異於  
是除其一子為郢州雲陽令正光三年太保崔  
光奏曰臣聞太上立德其次立功立言死而不  
朽前哲所尚思人愛樹自古稱美故樂平王從  
事中郎敦煌劉晒著業涼城遺文茲在篇籍之  
美頗足可觀如或愆黷當蒙數世之宥况乃維

祖逮孫相去未遠而今久淪皂隸不獲收異儒  
學之士所為竊歎臣忝職史教冒以聞奏乞敕  
尚書推檢所屬甄免碎役用廣聖朝旌善繼絕  
敦化厲俗於是乎在四年六月詔曰昞德冠前  
世蔚為儒宗太保啓陳深合勸善其孫等三家  
特可聽免河西人以為榮

趙柔字元順金城人也少以德行才學知名河  
右沮渠牧犍時為金部郎世祖平涼州內徙京  
師高宗踐阼拜為著作郎後以歷効有績出為

河內太守甚著仁惠柔嘗在路得人所遺金珠  
一貫價直數百緡柔呼主還之後有人與柔鐸  
數百枚者柔與子善明鬻之於市有從柔買索  
絢一十匹有商人知其賤與柔三十匹善明欲  
取之柔曰與人交易一言便定豈可以利動心  
也遂與之搢紳之流聞而敬服焉其推誠秉信  
皆此類也隴西王源賀採佛經幽旨作祇洹精  
舍圖偈六卷柔為之注解咸得理衷為當時雋  
僧所欽味焉又憑立銘讚頗行于世

子默字冲明武威太守  
索敞字巨振敦煌人爲劉昫助教專心經籍盡  
能傳昫之業涼州平入國以儒學見拔爲中書  
博士篤勤訓授肅而有禮京師大族貴遊之子  
皆敬憚威嚴多所成益前後顯達位至尚書牧  
守者數十人皆受業於敞敞遂講授十餘年敞  
以喪服散在衆篇遂撰比爲喪服要記其名字  
論文多不載後出補扶風太守在位清貧未幾  
卒官時舊同學生等爲請詔贈平南將軍涼州

刺史謚曰獻

敞子僧養中書議郎京兆太守

僧養子演貴征東府參軍

演貴子懷真字公道武定末侍御史初敞在州  
之日與鄉人陰世隆文才相友世隆至京師被  
罪徒和龍屈上谷困不前達土人陰能抑掠爲  
奴五年敞因行至上谷遇見世隆語其由狀對  
泣而別敞爲訴理得免世隆子孟貴性至孝每  
向田耘耨早朝拜父來亦如之鄉人欽其篤於

事親

陰仲達武威姑臧人祖訓字處道仕李暠為武威太守父華字季文姑臧令仲達少以文學知名世祖平涼州內徙代都司徒崔浩啓仲達與段承根云二人俱涼土才華同修國史除祕書著作郎卒

華次子周達徐州平南司馬太山太守

周達子遵和小名虎頭好音律尚武事初為高挽郎拜奉朝請後廣平王懷取為國常侍遵

和便辟善事人深為懷所親愛轉司空法曹太尉中兵參軍又為汝南王悅郎中令復被愛信稍遷龍驤將軍驍騎將軍豫州都督鎮懸瓠孝莊末除左將軍行豫州刺史時前行州事元崇禮被徵將還既聞介朱兆入洛遂矯殺遵和擅攝州任後追贈平南將軍涼州刺史

遵和兄子道方性和雅頗涉書傳深為李神雋所知賞神雋為前將軍荊州刺史請道方為其府長流參軍神雋曾使道方詣蕭肅行雍州刺史

蕭綱論邊事道方風神沉正為綱所稱正光末  
蕭綱遣其軍主曹義宗等擾動邊蠻神雋令道  
方馳傳向新野處分軍事於路為土因村蠻所  
掠送於義宗義宗又傳致襄陽仍送於蕭衍因  
之尚方孝昌中始得還國既至拜奉朝請轉負  
外散騎侍郎孝莊初遷尚書左民郎中修起居  
注永安二年詔道方與儀曹郎中王元旭使於  
蕭衍至南兖州有詔追還轉安東將軍光祿大  
夫領右民郎中太昌初卒年四十二人士咸嗟



惜之昭曰撫軍將軍荊州刺史

史臣曰趙逸等皆通涉經史才志不羣價重西  
州有聞東國故於流播之中拔泥滓之上人之  
不可以無能信也胡中顯晦之間優遊無悶亦  
一世之異人乎

列傳第四十

魏書五十二





Vertical text on the right edge of the right page, possibly a page number or title.

卷之四